



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 17. Caroli Molinæi opera.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

Catholicæ finem revocaret: verum paucis diebus adhuc vita superstes die vigesima septima Decembris Anno Christi millesimo quingentesimo sexagesimo sexto ætatis suæ circiter sexagesimo sexto non modo in Ecclesiæ Catholicæ communione, sed etiam inter pietatis affectus vere orthodoxos animam exhalabat: nam recepit Ecclesiæ Sacramenta cum ingenti devotione præsentibus Claudio Despensio Doctore, Renato Bonelo Bleffiacensis Collegii Rectore, & Francisco Curtio, seu Curtino Parocho ad Sanctum Andream de Arcubus, qui omnes morienti assistebant. Corpus ejus sepultum est in ejusdem Ecclesiæ cœmeterio circa horam octavam vespertinam absque ulla pompa funebri: ejus vero sepulcrum doctus Antonius Moratus epitaphio admodum simplici honorabat, & Julianus Brodeau ejus vitæ historiam conscripsit, quæ tamen non nisi diu post ejus obitum publicam lucem aspexit. De cetero Molinæus ex primo connubio reliquit duas proles, filium scilicet, ac filiam.

§. XVII.

Caroli Molinæi opera.

Inter hujus Scriptoris opera reperiuntur non pauca, quæ de jure civili, ac diversarum Provinciarum consuetudinibus

C 2

nibus

Sæcul. XVI.

A.C. 1566.

Sæcul. XVI.
A.C. 1566.

nibus tractant, ubi tamen principia nimis laxa insperfit, cum potius Jurisconsultum, quam Theologum ageret; propugnat enim, quod census exigi possit ex iis pecuniis, quas aliquis mutuas dat illi, qui pecunias, cum illis non indigeat, duntaxat ad negotiandum, aquirendum, vel suas facultates augendas credito accipit, dummodo hic census sit moderatus, & non immodicus. Insuper inter ejus consilia habentur quædam de rebus Ecclesiasticis agentia: in suo autem tractatu de Monarchia differit de Politia, & Historia Ecclesiastica, necnon Cæsarum, Regumque legibus circa Ecclesiæ disciplinam, ac de edictis, quibus se contra Curia Romanæ ausus tueri nitebantur: præterea ad tractatus, quos de rebus Ecclesiasticis scripsit, revocari potest ejus oratio, quam in Universitate Tubingana pronuntiabat de dignitate Theologiæ, de legibus Cæsareis, de eorum diversitate, corruptione, & restauratione, de potestate, officio, & discrimine inter Magistratus civiles, & Ministros Ecclesiasticos: ejusdem autem consultatio pro Picardiæ Nobilibus circa Ambianensem Episcopatum continet plura, quæ ad jus Canonicum pertinent: majoris tamen momenti sunt ejus consultationes circa receptionem Concilii Tridentini:

tini: porro earum erant tres, duæ latino sermone scriptæ, quarum una prolixior, altera autem magis succincta est, tertia vero Gallice edebatur, quæ tamen præ ceteris prima & præcipua est, eamque quidam Mussipontanus Professor, nomine Petrus Gregorius Tulusanus confutabat. Denique Molinæus reliquit adnotationes in Gratiani decretum, ejusque Decretales, necnon commentarium in edictum *de parvis datis* & in Cancellariæ Romanæ regulas in Galliis usitatas, receptasque, præter Concordiam Evangelistarum unacum adnotationibus, in quibus Calvinii opiniones amplectitur, quas tamen nunquam retractasse videtur, eo quod non nisi sub vitæ suæ finem, atque in extremo morbo eum penitus a suis erroribus resipuisse constet, cum antea nec probum Catholicum, nec ferventem Calvinistam, nec rigidum Protestantem sese exhibuerit. Ceterum postrema operum suorum editio quinque voluminibus comprehensa in majori forma prodiit Anno Christi millesimo sexcentesimo octogesimo primo.

§. XVIII.

Hieronymi Vidæ obitus.

Sextus erat Marcus Hieronymus Vidæ Cremonæ in Italia natus, atque
C 3 Albæ

Sæcul. XVI:
A.C. 1566.

Thuan. l. 38.
Baillet Jugem. des